



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instrvctio Magistri Novitiorvm

Juan <de Jesús Maria>

Coloniæ, 1613

Cap. 5. De Instructione professorum, qui è Nouitiatu in alia Cœnobia
migrant.

[urn:nbn:de:hbz:466:1-48543](https://nbn-resolving.org/urn:nbn:de:hbz:466:1-48543)

Cap. 5. De Instructiōe professorum,
qui è Nouitiatu in alia cœnobia
migrant.

¶ **Q**uamdiù recenter professi inter
Nouitios promiscuè versantur,
& eodem prorsus modo, ac illi regun-
tur, timendi causa non subest. Feruor
quippe ille, & conceptus æmulatione ca-
lor professos alit, & promouet: at tran-
situs ille, ad alia Cœnobia, vbi exercitia
Nouitiorum desunt, non leuis causa ti-
moris est. Experientia nempe constat,
nonnullos professos, qui montes aure-
os polliceri videbantur, loci mutatione
animum quoque mutasse, atque à con-
cepto Spiritus sancti calore deferbuisse.

¶ Magister ergo hoc malum grande
præcauere cupiens, professos fratres,
pridie, quam migrent, aut alio tempo-
pore commodiore, prout occasio tulerit,
discessuros omnes simul, aut singu-
los seorsim alloquatur, & amantissimè
instruat. Suprema enim verba charitatis
dulcedine delibuta altiùs imprimuntur.

¶ Commendet impensissime quatuor
illa monita proximo capite recensita:
qui-

quibus nihil sanctius, vel vtilius eis tradere posse videtur. Sed quartum summa cum expensione commendat, obsecrans, vt cum aliorum Cœnobiorum Superioribus, eodem prorsus modo se gerant, ac si illi Magistri, ipsiq; perenniter Nouitij forent. Quod sane monitum totius disciplinæ monasticæ complexio est; siue de passionibus subiugandis, siue de parandis virtutibus, siue de tentationibus propulsandis, siue deniq; de rerum diuinarum studio tuendo sermo fiat.

4. Etsi verò, quatuor illa monita ad perfectionem parandam opportuna, simulq; ad fidam diuturnamq; obseruationem prudenti mediocritate temperata videantur; salubre tamen consiliū erit, novos professos peculiaribus insuper adiuuare consilijs, quæ ipsi fortasse, ex illis velut fontibus deriuare nescirent.

5. Moneat ergo Magister vt coerceant effrænem quendam affectum aliò migrandi, qui recenter professos infestare solet; vt scilicet nolint alio discedere, nisi quatenus Deo placuerit. Moneat, vt de propria commoditate solliciti non sint, sed eo prorsus modo, ac tempore,

h 5.

quo

quo abire iubentur, accepto Breuiario, Apostolico more discedant, nisi aliter Superior decernat. Moneat, vt vaticum non requirant, sed spem totam in diuina bonitate collocantes elemosynas emendicare constituent. Moneat, vt per viam alacriter, ac modestè, sine vlla contentionis imagine procedant. Instructionem emq̄ iter agentium ad vnguem obseruent. Moneat, vt statim adperuenerint eò; quò migrant, Superiori suo ità se totos humillimè tradant, ac illi eo die, è sæculo in claustrum se abderent, & inter Nouitios recenseri inciperent. Moneat, vt nihil noui nuntièt, ex ijs quæ alibi aguntur, nisi à superiore interrogentur. Moneat, vt, scioli non sint, ea quæ in Cœnobio fiunt, comparatione eorum, quæ didicere, reprehendentes, vel interpretantes; sed omnia simplicissime accipiant, suiq̄ curam gerant. Moneat, vt Superiori, omnia sua vel obligationis, vel supererogationis exercitia, siue ad orationis, siue ad mortificationis studium spectent, confestim aperiant; & eius sententiæ per omnia obtemperent. Moneat, vt legum custodia

dedi

dedi
iugi
sui a
6. S
liari
scrui
tent
Sup
run
frat
Qu
am
mo


A
M

nul
em
mi
stru

deditissimi sint, & ad veram sanctitatē,
iugi Dei præsentia, obedientiæ cultu, &
sui abnegatione festinent.

6. Si verò aliquis è discedentibus pecu-
liari Superioris cura indigeat, quòd sit
scrupulosus, aut fragilis, aut, quovis alio
tentationis gerere vexetur; Magister ad
Superiorem literas dabit, ac de statu re-
rum certiore illum faciet, curamq̃
fratris illius impense commendabit.
Quibus absolutis, filios suos charissimos
amplectetur, & precatus illis bona ex
more dimittet.

ADM ONITIO MAGISTRI QVOAD EXHORTATIONES.

 VM in tradendę doctrinę
methodo pars magna
fructosę educationis No-
uitiorum posita fit; ope-
ræpretium visum est, nõ-
nulla diuersarum exhortationum ex-
empla subijcere, quæ Magister possit i-
mitari. Meminerit autē, quæ in tertia In-
structionis parte præscripsimus, & in
h 6 do-